

N°362  
Entrée le 20.02.2024  
Chambre des Députés  
Déclarée recevable

Président de la Chambre des Députés  
(s.) Claude Wiseler  
Luxembourg, le 20.02.2024  
Chambre des Députés

Ministère de l'Agriculture, de l'Alimentation et de la Viticulture	8
Référence : 135/2024	
Z 1 t.E.V. 2024.	
A traiter par :	
Copie à :	

Lëtzebuerg, den 20. Februar 2024

Här Claude WISELER  
Chamberspräsident  
LËTZEBUERG



DEMOKRATESCH  
PARTEI

Chambre des Députés  
Groupe Parlementaire

Här President,

Esou ewéi den Artikel 80 vum Chambersreglement et virgesäit,  
biede mir Iech dës parlamentaresch Fro un d'Madamm Ministesch  
fir Landwirtschaft, Ernährung a Wäibau weiderzeleeden:

*„Am Kontext vun de Schwieregkeeten an den Onsécherheeten am  
Secteur vun der Landwirtschaft huet d'EU-Kommissioun  
decidéiert eng Ëmweltoplag ze lockeren, réckwierkend op den 1.  
Januar 2024. Dobäi handelt et sech ëm d'4% „Flächenstilllegung“.  
D'Iddi vun dëser Oplag ass et fir en Deel vun den Agrarfläche  
brooch leien ze loosse fir d'Biodiversitéit ze preservéieren an dem  
Buedem z'erméiglechen, sech ze regeneréieren. D'Kommissioun  
gesäit elo d'Méiglechkeet vir, dass all wirtschaftlech Betriber an  
der EU vun dëser Verpflichtung ausgeholl sinn an trotzdeem weider  
Subsidien duerch d'Gemeinsam Agrarpolitik kréie kënnen.*

*Amplaz 4% vun den Agrarfläche brooch leien oder onproduktiv ze  
loossen, sollen d'EU-Landwirtschaftbetriber stéckstoffbannend  
Planzen (Lënsen, Ierbessen oder Bounen) an/oder Tëschefriichten  
(„culture dérobée“) op 7% vun hirem Agrarland ubauen.  
Domadder erfüllen si d'Konditioun vun der Derogatioun.  
Tëschefriichte si Planzen, déi tëschent zwou Haaptkulturen  
ugebaut ginn.*

*Memberstaaten, déi d'Ausnamereegelung op nationalem Niveau  
applizéiere wëllen, müssen der Kommissioun dëst innerhalb vu 15  
Deeg matdeelen, fir dass d'Bauerer esou schnell wéi méiglech  
kënnen informéiert ginn.*

*An deem Kader wollte mer der Madamm Ministesch fir  
Landwirtschaft, Ernährung a Wäibau follgend Froe stellen:*

9, rue du St. Esprit  
B.P. 510  
L-2015 Luxembourg

Tel. : 22 41 84 1  
Fax : 47 10 07

dp@dp.lu  
www.dp.lu

1. Wéini huet d'Ministesch wëlles fir der EU-Kommissioun matzedeelen ob si d'Ausnamereegelung op nationalem Niveau applizéiere wëll?

2. Wéi géif d'Ministesch duerno virgoe fir de Secteur iwwert déi Ausnamereegelung z'informéieren a wéi géif dëst an der Praxis applizéiert ginn?

8

Ministère de l'Agriculture, de l'Alimentation et de la Pêche

2025

A l'attention de :

Copie à :

Mat déiwem Respekt,



Luc EMERING  
Deputéierten



André BAULER  
Deputéierten



**Äntwert vun der Ministesch fir Landwirtschaft, Ernährung a Wäibau op d'parlamentaresch Fro n° 362  
vun den éierbaren Deputéierten Luc Emering an André Bauler**

**1. Wéini huet d'Ministesesch wëlles fir der EU-Kommissioun matzedeelen, ob si d'Ausnameregelung op nationalem Niveau applizéiere wëll?**

D'Entscheidung gouf haut (den 21/02/2024) der Kommissioun iwwert d'Plattform ISAMM iwwermëttelt. Déi Responsabel vun der Kommissioun goufen awer schonns am Virfeld via Email doriwwer informéiert.

**2. Wéi géif d'Ministesesch duerno virgoen, fir de Secteur iwwert déi Ausnameregelung z'informéieren, a wéi géif dëst an der Praxis applizéiert ginn?**

Eng entspreichend amtlech Matdeelung stoung de leschte Freideg (16/02/2024) an der landwirtschaftlecher Press a figuréiert och um Landwirtschaftsportal. Dëse Communiqué gouf mëttlerweil och, zesumme mat aneren Ënnerlagen, un déi eenzel Betriber geschéckt (Zoustellung vum 21/02/2024). De Wuertlaut vum Communiqué ass:

Erzeuger, die der GLÖZ 8-Auflage unterliegen, müssen im Jahr 2024 mindestens 4% ihrer Ackerflächen zu folgenden Zwecken nutzen:

« *Option 1: nichtproduktive Flächen und Landschaftselemente, einschließlich brachliegender Flächen; und/oder*

*Option 2: Leguminosen ohne Pflanzenschutzmittel; und/oder*

*Option 3: Zwischenfrüchte (in Sinne einer Nachfrucht) ohne Pflanzenschutzmittel*

Hierzu sei Folgendes zu beachten:

- *Die Option 1 ist die Option, die bis jetzt umgesetzt wurde (jedoch ohne die Ausnahmeregelung „Stilllegung mit Lebensmittelerzeugung“).*
- *Die Optionen 2 und 3 sind neu.*
- *Der Landwirt kann unter den verschiedenen Optionen auswählen und sie kombinieren.*
- *Landschaftselemente werden jederzeit mit ihren Gewichtungswerten mit angerechnet.*
- *Zwischenfrüchte haben in dieser Ausnahmeregelung wie Leguminosen einen Gewichtungswert von 1 (und nicht 0,3). D.h. ein Landwirt mit 100 ha Ackerland, bei dem Leguminosen nicht passen und der keine Flächen stilllegen will, erfüllt seine GLÖZ 8-Auflage, wenn er mindestens 4 ha an Zwischenfrüchte einsät.*
- *Leguminosen, welche auf die GLÖZ 8-Auflage angerechnet werden, bleiben bei der gekoppelten Leguminosenprämie beihilfefähig.*

- *Überschüssige Flächen mit Leguminosen und Zwischenfrüchte, welche NICHT auf die GLÖZ 8-Auflage angerechnet werden, können im Rahmen der Öko-Regelungen beihilfebegünstigt werden, unter der Bedingung, dass die entsprechenden Auflagen erfüllt werden:*
  - *Leguminosen ohne Pflanzenschutzmittel bei der ÖR 514 (Verzicht auf Pflanzenschutzmittel)*
  - *Zwischenfrüchte ohne Pflanzenschutzmittel bei der ÖR 515 (Zwischenfrüchte und Untersaat im Mais). Hierbei sei erwähnt, dass Untersaaten im Mais NICHT auf die GLÖZ 8-Auflage angerechnet werden können. »*

Lëtzebuerg, den 21. Februar 2024

D'Ministesch fir Landwirtschaft, Ernährung a Wäibau

(s.) Martine HANSEN